

### 《隔壁鄰舍》

隔壁个阿春伯，人盡好！  
上屋个阿嬸，當熱心！  
阿明仔同佢共下讀書，  
感情當相好！  
慳俚平時定著愛相借問，  
互相搵手，大家正會當和掙。

### 《換工》

六月緊工當無閒，  
阿爸去同隔壁个阿伯搵手。  
過幾日，換佢屋下割禾，  
毋止阿伯，下屋个阿叔、阿嬸，  
佢這兜也來幫忙。  
大家換來換去，毋使撿工錢，當有人情。

### 《打甜粿》

年到了，大家來打甜粿，  
阿公、阿爸先挨粿，  
粿磧燥，阿嬸遞寮燕，  
阿姆△粿，佢攪糖。  
粿△好，放落籠床肚，  
大鑊洛洛滾，燒氣直直出，  
粿炊好，大家歡喜過新年。

### 《伯公下》

伯公下，老人坐等打喙鼓，  
大人在該求保庇，  
細子共下份家啦！  
到了伯公生，  
大家湊等食伯公福，  
伯公總係笑嘻嘻，  
保佑大自家。

### 《鄉下生活》

細岌崗，青草香，  
風吹禾仔像海浪。  
細魚塘，蓮花紅，  
樹上蟬仔聲聲唱。  
細人仔禾堂打陀螺，  
大人樹下好療涼。